

Bergaran, bi mila eta hamazazpiko maiatzaren hogeita bostean, ondorengoak

BILDU DIRA

Alde batetik, Maria Elena Lete García, Bergarako Udaleko Alkate-Lehendakaria, Bergarako Udalaren izenean (egoitza Bergarako San Martin plaza, z/g-ean du, eta IFK zenbakia P- 2007900-J du).

Beste aldetik, Juan Ramon Garai Bengoa, 72561918-T NAN zenbakia duena, INTXORTA elkarteko lehendakaria, elkartearen izenean (egoitza soziala Arrasateko Makatzena 17-2.An du eta IFZ zenbakia G-20906533 du).

Juan Ramon Garai Bengoa jaunak zinpean alkate andrearen aurrean aitortu ondoren bera eta berak ordezkatzeko duen elkarte ez daudela Estatuaren 2003ko azaroaren 17ko 38/2003 Legeak aurreikusitako debekuko kasuetan eta ezta Administrazio Publikoarekin hitzartzeko inolako bateraezintasun edo ezgaitasun arrazoietan ere sartuta, bi aldeek elkarri aitortzen diote behartzeko gaitasuna eta, hala, honako aurrekari hauek azaltzen dituzte.

AURREKARIAK

INTXORTA elkartearen helburuetako bat da memoria historikoa berreskuratzea, bereziki gerra zibilaren ingurukoa eta hortik aurrerakoa. Horretarako, hainbat ekintza antolatzen ditu.

INTXORTA elkarteko ordezkariak Bergarako Udalarekin kontaktuan jarri ziren ondorengo gaiez hitz egiteko:

- 2017ko urtarrilean Bergarako Aroztegi aretoan egin den "Azken Batailoia" erakusketaren balorazioa.
- 2017ko maiatzaren 8an, "*Oroimenaren eta Adiskidetzearen Egunak. Bigarren Mundu Gerraren Oroitzapena*" direla-eta, Bergarako Pedro Axpe Sagastaren omenezko ekitaldia.
- 2017ko apirilaren 23an Elgetan egingo duten ekitaldia.
- 2018rako Aroztegi aretorako prestatutako "*Erresistentziako eta errepresailatutako emakumeak*" erakusketa.

Bergarako Udalari interesgarria iruditu zitzaizkion Intxorta elkarteak 2017an eta 2018an jadanik burutu dituen eta burutzeko asmoa dituen ekintzak, eta nahiz eta adierazi Udala laguntza emateko prest zegoela, zenbaterainoko laguntza emango zion zehazteko aurrekontua aurkeztea eskatu zion.

Horrez gain, Bergarako Udalak proposamena egin zion Intxorta elkarteari, Bergaran bizirik dauden Gudari eta Milizianoei omenaldi bat egiteko, eta Intxorta elkarteak prest azaldu zen Udalarekin

elkarlanean antolatzeko ekitaldia, eta bi aldeek adostu zuten diru-laguntzaz gain, bi aldeek hartzen zituzten beste konpromisoak ere hitzarmenean jasota uztea.

Orain Intxorta elkarteak diruz laguntzea eskatzen duen ekintzen aurrekontua aurkeztu du eta diru-laguntza eskatu du.

Udalak 2017ko apirilaren 25eko dekretu baten bitartez erabaki du 1.000 euroko diru-laguntza ematea eta bi aldeek betebeharrak hitzarmen batean jasotzea.

Beraz, bi aldeak ados egonik, ondorengo klausulak dituen hitzarmena hitzartzen dute:

KLAUSULAK

Lehena.- INTXORTA elkarteak jarraian jasotako ekitaldi bakoitzean zehazten diren konpromisoak hartzen ditu:

- 2017ko maiatzaren 8an, "Oroimenaren eta Adiskidetzaren Egunak. Bigarren Mundu Gerraren Oroitzapena" direla-eta, Bergarako Udalak Intxorta elkartearekin eta "La Ilusión" elkartearekin batera Bergarako Pedro Axpe Sagastaren omenez ekitaldia antolatzea. Ekitaldi horren gastuak udalak hartuko ditu bere gain, eta antolatuko den ekitaldia hirurek adostutakoa izango da eta bi elkarteek parte hartuko dute.

2017ko apirilaren 23an, Intxorta elkarteak azpian jasotzen den egitarauarekin Elgetan egingo duen ekitaldia burutzea:

- o 10:00etan, agintarien ongi etorria
- o 10:15etatik aurrera, Elgeta duela 80 urte display-ak
- o 11:00etan, Gudari eta milizianoen frontera
- o 11:30ean, Intxorta borroken errekreazio herrikoa
- o 12:15ean, Martxa Elgetara: Frankismoaren inpunitateari tolerantziarik ez
- o 13:00etan, 1936-37ko gudan eraildako elgetarrei omenaldia
- o 14:30ean, bazkari herrikoa

- 2017ko uztailaren 18an, Bergarako Udalak antolatuta, Bergaran bizirik dauden gudari eta milizianoen omenaldia udalarekin elkarlanean antolatzea eta parte hartzea. Gastuak udalak hartuko ditu bere gain.
- 2018rako, Aroztegi aretorako "Erresistentziako eta errepresaliatutako emakumeak" erakusketa antolatzea.

Ekintza horiek burutzeko betebeharrak eta gastu guztiak bere gain hartuko ditu elkarteak, ez baditu udalak espresuki hitzarmen honetan bere gain hartu edo elkarlanean burutuko direla jaso.

Halaber, honako konpromiso hauek hartzen ditu:

- Gutxienez euskara erabiltzea ekitaldi eta idatzizko komunikazio publikoetan: iragarki, ohar eta abar.
Ahozko komunikazioetan, bi hizkuntzak erabiliz gero, euskarari emango zaio lehentasuna, euskarazko aurkezpena erdarazkoaren aurretik eginez.
Era berean, idatzizko komunikazio elebidunetan ere, euskarari emango zaio lehentasuna, bai kokalekuaren aldetik (euskarazkoa erdarazkoaren gainean), bai neurriaren aldetik. Testuak hizkuntzaren aldetik zuzen idatziak daudela egiaztatzeko, Euskara Zerbitzura eraman ahalko dira.
- Gizon eta emakumeen berdintasunari dagokionez, udalak markatutako irizpideak jarraitu beharko ditu elkarteak. Jarduera, proiektu edo programarekin lotutako iragarki eta komunikazioetan ez da erabiliko ez hizkera ez irudi sexistarik, estereotipo eta rolak alde batera utziz. Era berean, ezingo da diskriminatu sexu-arrazoiengatik. Eta emakumeen presentzia eta parte hartzea eremu guztietan ahalbidetuko da (zuzendaritzan, bazkideen artean, erabiltzaileen artean eta abarretan).

Bigarrena.- Bergarako Udalak honako konpromiso hauek hartzen ditu:

- 2017ko urtarrilean Aroztegin egin zen erakusketako katalogoaren kostua bere gain hartzea. Horrez gain, garraioa, muntaia eta desmuntaiaren kostea bere gain hartzen du (500 euro, BEZ kanpo).
2018an Aroztegin egingo den erakusketako 200 katalogoen kostua –bakoitza 1,5 euroko kostuarekin (BEZ barne)– bere gain hartzea.
Katalogoa Intxorta elkarteak diputazioaren laguntzarekin aterako du, eta Bergarako Udalaren armarrria bertan azaldu beharko da.
Udalaren kontu joango da muntaia, desmuntaia eta garraioa eta erakusketaren inaugurazioan egin nahi den ekitaldia ere. Intxorta elkarteak edozein kasutan parte hartuko du Udalak antolatutako ekitaldian.
Elgetako ekitaldia burutzeko 1.000 euroko diru-laguntza ematea. Aurrekontua, bi aldeek sinatuta, hitzarmen honi erantsen zaio.

Hirugarrena.- Elgetako ekitaldia burutzeko emandako diru-laguntzaren lehen zatia (diru-laguntzaren % 60) ordainduko da INTXORTA elkarteak betebehar fiskaletan eta Gizarte Segurantzakoetan egunean dagoela egiaztatu eta hitzarmen hau sinatu ondoren.

1. Bigarren zatia jasotzeko –% 40, 400,00 €–, ekitaldia amaitzen denetik kontatzen hasita, gehienez ere bi hilabeteko epean ondorengo dokumentuak aurkeztu beharko ditu INTXORTA elkarteak:
 - Diruz lagundutako ekintzen memoria.
 - Emaizta ekonomikoaren memoria, hau da, zerrenda sailkatu bat, jardueraren gastuak eta inbertsioak jasoz, eta bertan zehaztu beharko dira hartzekodunaren eta dokumentuaren identifikazioa, zenbatekoa, jaulkipen-data eta, horrelakorik balego, ordainketa-data; eta bertan, era berean, zehaztu egin beharko dira diruz lagundu den jarduera hori finantzatzeko izan dituzten beste diru-sarrera edo diru-laguntzak, adierazita bakoitza zenbatekoa izan den eta nondik etorri den. Memoria erreala dela adierazten duen zinpeko aitortpena gehituko zaio, elkarteko ordezkariak sinatuta.

- Faktura, agiri edo erreziboen kopiak eta horien ordainketa agirienak ere.
- Jasotako beste diru-laguntzen agiriak edo, diru-laguntzarik jaso ez bada, zinpeko aitorpena.
- Programatutako jardueren dokumentazio grafikoa (kartelak, liburuxkak, prentsa oharrak, etab.).

Elkarteak aintzat hartzeko moduko arrazoirik aurkezten ez badu edo ez baditu programatutako jarduerak edo hitzarmen honetan zehaztutako betebeharrak betetzen, zati batean bada ere, Udalak jasotzeko geratzen zaion diru-laguntza edo horren zati bat ez ordaintzea erabaki ahal izango du, eta baita jadanik kobratuta duen dirua (guztia edo zati bat) itzularaztea ere.

Erabaki hau hartu aurretik interesatuari entzungo zaio.

Bestalde, elkarteak justifikatutako gastua aurrekontuan jasotakoa baino txikiagoa balitz, Udalak eskatu ahal izango du diru-laguntzaren zati bat itzultzea, baina gastua aurrekontuan jasotakoa baino handiagoa izan bada, Udalak ez du diru-laguntza berririk emango.



Laugarrena.- Diruz lagundutako ekintzen publizitatean (kartelak, esku-programak...), INTXORTA elkarteak Bergarako Udalaren laguntza duela adierazi beharko du.

Aprilaren 23an antolatuko den ekitaldian, Bergarako Udaleko ordezkari politikoak ere parte hartuko du.

Bosgarrena.- Udalak egingo duen diru-ekarpenaz gain, helburu bera duen beste edozein diru-laguntza ere jaso daiteke, eta Udalari aurkeztuko zaion txosten ekonomikoan sarreretan azaldu beharko da.

Hala eta guztiz ere, diru-ekarpenak (Udalarenak edo beste batzuenak batuta) eta/edo bestelako sarrerak batuta ezingo du inola ere gastua baino altuagoa izan.

Seigarrena.- Diru-ekarpena egiteko kontuan hartu diren baldintzetakoren bat aldatuko balitz, edo Udalarenaz gain beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

Zazpigarrena.- Diru-ekarpena berrikusi egingo da eta, egoki bada, kendu, baldin eta hauetakoren bat gertatzen bada:

- Diru-ekarpenak bete beharreko baldintzak bete gabe gelditzea.
- Diru-ekarpena erabiltzea lortu beharreko helburua ez den beste helburu baterako.

Zortzigarrena. - Hitzarmen honetan aurreikusita ez dagoen guztirako, honako hauek aplikatuko dira: Diru-laguntzak arautzen dituen 38/2003 Estatuko Legea, azaroaren 17koa; lege hori

garatzen duen 887/2006 Errege Dekretua, uztailaren 21ekoa; eta Bergarako aurrekontuetako udal araua.

Bederatzigarrena.- Diruz lagundutako ekintzek eragindako kalteen erantzulea INTXORTA elkarte bera izango da, eta Bergarako Udala kanpo gelditzen dela aitortzen du elkarteak.

Hamargarrena .- Alde bietako batek honako hitzarmen honetan harturiko betebeharrak edozein beteko ez balu, beste aldeak hautsi ahal izango luke, eta kalte-ordainak eskatu.

Eta adostasun frogagisa, bi aldeek dokumentu hau sinatzen dute goian aipatutako egun eta lekuan, eta nik, idazkariak, guztia egiaztatzen dudalarik.



Mª Concepción Ugalde Izeta



Maria Elena Lete Garcia



Juan Ramon Garai Bengoa



INTXORTA 1937
KULTUR ELKARTEA

INTXORTA 1937

KULTUR ELKARTEA

www.intxorta.org

G-20.906.533 • Makatzena kalea 17, 2-A
20 500 Arrasate -Gipuzkoa- • ☎ 699 669 205

AZALPENA / CONCEPTO	ZENBATEKOA
2017 Intxortako Erresistentzia eguna	
Sarrerak	
Begarako Udala	1.000,00
Arrasateko Udala	1.000,00
Oñatiko Udala	1.000,00
Eskoriatzako Udala	400,00
Antzuolako Udala	300,00
Aramaioko Udala	300,00
Eibarko Udala	300,00
Guztira:	4.300,00
Gastoak	
IGNACIO ARREGI ELORZA 25 Eskultura	2.850,00
KARRIKANTOI ANTZERKI, Izarrak Marrazten	600,00
K3 INPRIMITEGIA Kartelak	355,74
Ak3 inpremiturgia Intxortako Irrintzia	350,90
MIKEL BERASA Kartelak ipintzea	242,00
Guztira	4.398,64



DEFIZITA	98,64
-----------------	--------------

EUSKADIKO KUTXA ES46 3035 0001 57 0010105700
Intxorta 1937 kultur elkarte

